

Vuk'uzenzele

Uyethulelwa ngezokuThintana kukaRhulumente nokuNikela ngelWazi (i-GCIS) English/isiNdebele UMgwengweni 2022 umGadangiso 1

Abahlengi Beenyamazana Bokuthoma ESewula Afrika Bathola Iziqu

Allison Cooper

Ukuba ngomunye wabahlengi beenyamazana bokuthoma kulibhudango eliphumeleleko esakhamuzini se-Randburg uPhumelela Mthimkhulu (oneminyaka ema-21), owathoma ukuba nethando leenyamazana asesemntwana. UMthimkhulu usandukuthola iziqu zakhe e-University of Pretoria (i-UP), okukuphela kweziko lezufundo elifundisela ubuhlengi / ubunesi beenyamazana eSewula Afrika; lezi ziziqu ezibizwa ngokuthi yi-Bachelor of Veterinary Nursing. “Ngithakase kokugcina. Ngizizwa ngihlonipheke khulu ukukhumbula ukuthi bengiyingcenywe yetlasi yokuthoma ukufundela leziziqu, okuthethe iminyaka embadlwana.” “Ngiyawathokozela amathuba neminyango ezokuvulekela thina abahlengi kobanyana sifunde siye phambili besizikhethele ihlangothi leemfundo esizakuqalana nalo emsebenzini wethu, ekuyinto ebekubudisi ukuyenza

ngeenkxathi ezidlulileko,” utjho ngokujabula. “U-Tamarin Fisher, uMengameli weHlangano yabaHlengi beeNyamazana eSewula Afrika, uthi lokhu kusilinganisoliqha esikhulu khulu emlandweni wama-42 weminyaka kilomsebenzi wamakghonofundwa. “Leziziqu ezitja zeminyaka emithathu zizokunikela abahlengi abawufundeleko umsebenzi wokuhlenga ithuba lokuzitlolisela iimfundo

zeyunivesithi ezifundwa ngemva kweziqu zokuthoma, esithemba ukuthi zizabafikisa eemfundweni zeziqu ze-honours, neze-masters kunye nezobuDorhodere (ze-PhD). Abodorhodere beenyamazana belapha amanceba namagulo weenyamazana, ngendlela efanako nalokhu-ya udorhodere nakelapha umuntu / isigulani. Abahlengi abafundele ukwelapha iinyamazana baqakathekile eenqhemeni zabo-

dorhodere beenyamazana, kuhlathulula uMthimkhulu. “Amanye wamakghonofundwa umhlengi ekufuze abe nawo kuhlenga isilwana nofana inyamazana egulako, nokukhulumisana namakhamasama, nokusiza abodorhodere beenyamazana ukuhlinza iinyamazana, nananyana yini okhunye okungasiza isibhedlela seenyamazana ukuthi sisebenze ngamandla waso apheleleko. “Lo ngomunye wemisebenzi yamakghonofundwa ebuyisela khulu. Nawufuna ukuba mhlengi weenyamazana, ungavumeli ivalo namkha ukutlhoga ilwazi kukuvimbele ukuwulinga lomsebenzi bewuzwe ubumnandi bakho-na, ngoba uzakutjhugulula ipilwakho ibe ngcono khulu,” kunaba uMthimkhulu ngelathululo.”

uMthimkhulu azange atlhage ukuthola umsebenzi. “Ngibe netjhuu lokobana ngithole umsebenzi esibhedlela seenyamazana i-Fourways Veterinary Hospital ngomnyaka wami wokugcina wokufundela ukuhlenga iinyamazana. Ngithome ukusebenza kilesisibhedlela pheze nginenyanga ngiqede ukutlola iinhlahlubo zami zokugcina; ukusukela ngesikhatheso bekube nje solo ngisasebenza kamnandi khulu lapha,” kutjho uMthimkhulu. IBandla leKoro yezeFundo nokuThwasisa kezePilo neHlalakuhle yomPhakathi (i-HWSETA) lizibophelele ngokuqeda itlhayelo ekulu esekorweni yezokwelatjha kweenyamazana nokuqinisekisa ukuthi kwenziwa amatjhaguluko. Mhlapha isandukusikimisa iJima lokuPhandlulula ngeSayensi yemiSebenzi yokweLatjha kweeNyamazana, ngokusebenzisana nomNyango wezeFundo ePhakemeko nokuThwasisa,



UPhumelela Mthimkhulu ungomunye wabonesi beenyamazana bokuthoma elizweni lekhethu.

Imifundalize Izokuvala Ukutlhayela Kwamakghonofundwa

Njengoba ayindlala ekulu kangaka nje amakghonofundwa kilekoro,

Iyaraga ekhasini lesi-2



Yewuzokuthatha Ikarajana Lakho Lelayisense Yokutjhayela
Ikhasi lesi-2



Ukwakha Kabutjha Nokuvuselela Imisebenzi Ekuphilwa Ngayo Ngemva Kweenkhukhula
Ikhasi lesi-3

Ukuze ufunde i- **Vuk'uzenzele** zitholele i-GOVAPP ku:

Funa u-SA Government ku- Google playstore nanyana ku-appstore

UNGASITHINTA LA:

Ubunzinzolwazi: www.gcis.gov.za I-imeyili: vukuzenzele@gcis.gov.za

www.vukuzenzele.gov.za Umtato: (+27) 12 473 0103

Tshedimoseetso House:
1035 cnr Frances Baard and Festival streets, Hatfield, Pretoria, 0083

Vuk'uzenzele

@VukuzenzeleNews

Iraga isuka ekhasini loku-1

kanti-ke izokukhamba iva-
katjhela iinkolo zemakhaya
iyokukhuthaza abafundi
ukuthi baqalelele ukuthatha
iimfundo zokwelatjhwa
kweenyamazana nabaya
phambili ngeemfundo.

Ibuye yamemezela
nemifundalaze ema-60
ekuzakuvalwa ngayo
itlhayelo ekulu yezazi
zokwelatjhwa kweenyama-
zana nemisebenzi esiza izazi
zokwelatjhwa kweenyama-
zana eendaweni zemakhaya
zeSewula Afrika.

“Imifundalaze le iqothele
abafundi eendaweni
zemakhaya, nababuyisela
ilwazi labo emakhaya lapho
badabuka khona,” kutjho
uDorhodere Nomfundo
Mnisi, onguSihlalo we-
HWSETA.

Isekela likaNgqongqotjhe
wezeFundo ePhakemeko,
zeSayensi nezaMandla
wokuSungula uButi
Manamela uyayithokozela

imifundalaze le.

IZiko lezeSayensi yokwe-
Latjhwa kweeNyamazana
e-Tuks lizakusiza i-HWSETA
ngamajima wokumaketha,
ngokusekela imifundalaze
ngeemali kunye newokufuna
abafundi.

“Sizakubuye sisize
i-HWSETA ukusebenza
ngemifundalaze enikelwe
abafundi bomnyaka
wokuthoma weemfundo
zokwelapha iinyamazana
abavela eenqhemeni
ezikhethiweko,” kutjho
u-Chris van Blerk, osiKhulu
sezokuThintana nezeemBi-
kiindaba eZiko lezeSayensi
yokweLatjhwa kweeNyama-
zana e-Tuks.

Uthi ilutjha elithemba
ukulandela emagadangweni
kaMthimkhulu litlolisele
ukufundela iziqu zoku-
thoma e-UP kufuze ukube
linesiTifikethi sikaMethrighi
seliZwelope (i-NSC), namkha
iimfundo ezilingana nalesisi-
tifikethi, lifikelele nobuncani
bamaphuzu ayifuneko
yokungenela leziimfundo.

“Umfundi nakazakwamu-
kelwa ukufundela iDigri
yokuHlengwa kweeNyama-
zana (i-Bachelor of Veterinary
Nursing), kufuze abe akgho-
nile ukuhlanganisa ubuncani
bamaPhuzu wokwaMukelwa
ama-28 ne-NSC abe nanesi-
fundo sesiNgisi njengeLimi
leKhaya namkha isiNgisi
sibe liLimi lokuThoma
eliNgezelelweko, neMethe-
methiksi, ne-Physical Science
namkha i-Life Sciences,”
ungezelela ihlathululo.

Eminye imininingwana
ngekoro le, kukuthi ilutjha
lingathintana nama-ofisi
wabosokghonofundwa
bokwelatjhwa kweenyama-
zana bangeqadi namkha
bakhulumisane nabodo-
rhodere beenyamazana
abasebenzela umphakathi,
ngaphasi kwe-Compulsory
Community Service (ama-
CCS) abayingcenywe
yomNyango wezokuLima,
zokuBuyekezwa kweNarha
nezokuThuthukiswa
kweeNdawo zemaKhaya
(i-DALRRD) elizweni lokeli.

“Ihlelo le-CCS linqophe
ukwenzela iindawo ezitlha-
yeyelwa litjhejo lokwelatjhi-
swa kweenyamazana nezi-
tlhayelelwa ziinsetjenzi swa
umsebenzi wokwelatjhwa
kweenyamazana otholakala

lula nongaduriko eSewula
Afrikapha. Lokhu-ke
kutjho ukuthi abodorhodere
abasehlelweneli bazakuhlala
soke isikhathi bamithombo
yelwazi emihle,” kutjho
u-Van Blerk.

Senziwa Njani Isibawo

Ukwenza isibawo sokuthola omunye wemifundalaze
emitjha le, abafundi kumele bathumele iimbawo
zokufundela iziqu ze-Bachelor of Veterinary
Science ne-Bachelor of Veterinary Nursing (uzi-
khetha zombili) e-UP ehlelweni lokwenza isibawo
nge-inthanethi kubunzinzolwazi i-[www.up.ac.za/
online-application](http://www.up.ac.za/online-application). Sikhombela bona abafakii-
mbawo bangathumeli iimbawo zabo ku-HWSETA.

Ilanga lokugcina lokwamukela iimbawo mhla
wama-30 kuMgwengweni.

Eminye imininingwana ngemisebenzi yebizelo
eemfundweni zesayensi yokwelapha iinyamazana
e-UP ungayithola ngokuvakatjhela ku- [www.up.ac.
za/faculty-of-veterinary-science](http://www.up.ac.za/faculty-of-veterinary-science).

Nawufuna imininingwana edephileko nge-
mifundalaze esekela abafundi kilekoro,
vakatjhela ubunzinzolwazi ku-[www.up.ac.za/
faculty-of-veterinary-science/article/33926/
bursaries-for-veterinary-science-studies](http://www.up.ac.za/faculty-of-veterinary-science/article/33926/bursaries-for-veterinary-science-studies).

Yewuzokuthatha Ikarajana Lakho Lelayisense Yokutjhayela

Abatjhayeli
abenza iimbawo
zamalaysense
wokutjhayela nabenza
iimbawo zokuvuselela
amalaysense amakarada
namkha abenza iimbawo
zemvumo yokutjha-
yelela umsebenzi (i-PrDP)
hlangana kwakaSewula
noNobayeni nyakenye
bakhonjelwa bona bazo-
wathatha.

Ngokutjho kweHlangano
eLawula iiNthuthi
eziKhamba eNdleleni
(i-RTMC), ama-42%
kwaphela amakarada
wamalaysense esele
athethwe, emalaysensini
azii-32 748 abekafakelwe
iimbawo ngalesisikhathi.

UNgqongqotjhe wezo-
kuThutha uFikile Mbalula
uvule amaziko wama-
laysense wakwa-RTMC
e-Midrand ne-Eco Park

nyakenye, ngenca yokusa-
lela emva komsebenzi
wokwenza nokuvuselela
amalaysense aphelelwe
sikhathi, ngenca ye-
COVID-19.

I-Akhawundi yeLa-
yisense yokuTjhayela
yeKarada, eyona
iphrinta / igadangisa
amalaysense la, ise-
benza ubusuku nemini
ukusunduza ukugada-
ngiswa nokukhutjha
kwamalaysense lawa
begodu ikhamba kuhle
ukuthi kuzakuthi kuphela
inyanga kaMgwengweni
ukube seyiyivale yoke
indima ekusalelwe ngayo
emva.

I-RTMC ithi abantu
bangahlola ku-inthanethi
nange-SMS ukuthi amala-
yisense wabo selanendima
engangani ngokulungiswa
ngaphambi kobana baye

emaziko wamalaysense
bayowathatha.

Lokhu-ke kungenziwa
ngokubuza nge-SMS
namkha ngokuhlola nge-
inthanethi.

Nawulandelela Ilayisense Yoku-tjhayela Nge-SMS

Umfakisibawo nakabuza
ngelayisense yomtjhayeli
angathumela inomoro
yakhe kamazisi / ye-ID nge-
SMS ku-33214. Ngemva
kwelokho uzakuthola enye
yalama-SMS angenzasi:

- *Application received: The application was received, but has not yet been processed.*
- *Production queue: The card is still being processed and manufactured.*
- *Produced and ready for collection: The card will be ready for collection in*

21 days. However, due to the high number of cards being processed, the RTMC advises you to wait 35 days before going to collect.

- *Problem card: There is a problem with the production of your card. Please return to the testing centre.*
- Nawubuza ngesibawo
se-PrDP, sikhombela bona
uthumele inomoro yakho
kamazisi / ye-ID nge-SMS
ku-44220.

Nawulandelela Ilayisense Yokutjhayela Nge-inthanethi

Ungalandelela nange-
inthanethi simahla ukuthi
isibawo sakho sijame njani.

- Vakatjhela i-inthanethi ku-online.natis.gov.za
- Yakha iphrofayili bese ungena ku-inthanethi.
- Qhwarhaza ubujamo

besibawo sakho ku-
dashboard.

Labo amalaysensabo
aphelelwe sikhathi
hlangana kwakaNtaka
2020 noRhoboyi 2021,
abaphundwe lilanga
lokuvuselela lomhla
wesi-05 kuMrhayili bali-
mukiswa ukuthi bathole
amalaysense wokutjha-
yela wesikhatjhana lo-
khuya nabenza iimbawo
zokuvuselela amalaysense.

Nanyana amaziko we-
RTMC ahlala avuliwe
ukusukela ngoMvulo
ukuyokufika kuSondo
ukusukela nge-awa le-7
ekuseni ukuyokufika
nge-awa le-9 ebusuku,
umphakathi ukhuthazwa
ukuthi usizakale ngemijeje
emifitjhani eba ngabo-
Lesihlanu nangepelaveke.
Ilwazeli ulilethelwa ngebakwa-RTMC.



government
communications

Department:
Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and
Production
Regomoditswe Mavimbela
Regomoditswe@gcis.gov.za

Acting Editor-in-Chief
Zanele Mngadi | Zanelemngadi@gcis.gov.za

Acting Managing Editor
Tendai Gonesse | tendai@gcis.gov.za

News Editor
Noluthando Motswai

Writer: More Matshediso

Graphic Designers
Tendai Gonesse | Benny Kubjana

Production Assistants
Jauhara Khan | Sebastian Palmer

Language Practitioners
Nomgcibelo Motha | Boitumelo Phalatshe
Thandolunye Magudulela | Sizwe Ziqubu

All rights reserved. Reproduction of the newspaper in
whole or in part without written permission is strictly
prohibited.

Vuk'uzenzele
is published by Government
Communications (GCIS)



Printed by:



Distributed by:





Ukwakha Kabutjha Nokuvuselela Imisebenzi Ekuphilwa Ngayo Ngemva Kweenkhukhula

Pheze seziinyanga ezimbili solo iinkhukhula ezinamandla zagiriza zabanga umonakalo omkhulu kezinye iindawo zaKwaZulu-Natala, ePumalanga Kapa neTlhagwini Tjingalanga, lapho zabulala khona abantu, zagiriza imizi, imakhiwo nemi-thangalasisekelo.

Khengavakatjhela eThekwini eKwaZulu-Natala mhlapha ngayokubonana nabosomabhizinisi kilelidrobha kobanyana ngizobasekela emizameni yabo yokuvuselela imisebenzabo.

Lokhuya nakwenzeka lehlekelele yemvelo, kwaba nevalo lokuthi iimphathimandla azizukuba namandla, azizukuba naso nesifiso sokusiza kuhle ngendlela elisizo elibonakalako ebujameni bamatluhuwo balabo abalahlekelwe ngikho koke.

Ngemva kobana sengikhe ngavakatjhela idrobheli kwesibili solo kwasahlela iinkhukhula, nginesiqiniseko sokuthi lelavalobelikhona lehlile. KwaZulu-Natala, njengePumalanga Kapa, neTlhagwini Tjingalanga, boke ababelani bebasebenza ngamandla ukuthi bavuke kilamahlungu abasele kiwo.

IZiko lokuLawula iHlekelele eliZweniloke belithungelela zoke iingaba zikarhulumente emizameni yokusiza amakhaya amanengi asahlelwe ziinkhukhula ngesizo lobuntu. Kube yinto ethabisako ukubona



iinhlango ezingasizombuso, abosomabhizinisi neenhlango zesizo zihlanganyela ukusebenzisana norhulumente kulethwe isizo ebelifuneka khulu lokulamulela abantu ebasesihlengeleni.

Boke ababelani banikele ngokugoma, ngezambatho, ngeengubo, izinto zokuhlazekisa umzimba kunye nangejinifomu yesikolo emindenini ebyisesihlengeleni kobanyana izokuphumelela iindingo zayo zangemihla. Njenganje bazii-7 000 abantu abasizwa ngokutholelwa iindawo zokuhlala eenyingini ezine ezingezigirikelwe khulu KwaZulu-Natala. Sewuthomile nomsebenzi wokwakha iindawo zokuhlalisa imindenithintekileko kwesikhathjana endaweni yombuso. Sezikhonjiwe neendawo ekuzakuthuthelwa

kizo abantu abasesihlengeleni khona KwaZulu-Natala.

UmNyango wezangeKhaya, nomNyango wezePilo nezokuThuthukiswa komPhakathi beyisiza iindawo ezithintekileko kobanyana zikghone ukuthola izenzelwa eziqathekileko. Isibonelo, ama-ofisi abomakhamba ngendlwana asiza labo abalahlekelwe ziincwadi eziqathekileko eenkhukhuleni ukuthi bathole abomazisi (ama-ID) abatjha bama-karajana, babe benzelwe neentifikethi zokubethwa ezitja. Eendaweni lapho kungakabukuba namaziko wezepilo asebenza ngokupheleleko, abantu bathunyelwa amatlini abomakhamba ngendlwana, hlangana nawo ekubalwa nalawo wokujoyela i-COVID-19. Sekwenziwe namahlelo

wokuthi basizwe ngesibonelelo (semali) sembusweni abantu abathintekileko kilokhu.

Amatlas abomakhamba ngendlwana asabuthelwa, kobanyana ukufunda nokufundisa kungazokuliyeka ukudlula lesisikhathi esele kuliyeka ngaso eenkolweni zeendawo lapho kusahlele khona iinkhukhula.

Sewuthonyiwe nomsebenzi wokuvuselela iindawo zokuhlazekisa amanzi, neenteyitjhi ezipompa amanzi kunye namahlelo wokukhambisa amanzi. Ziyalungiswa neendlela ezonakeleko. Ali-18 amabhlorho amatjha alungiselelwa ukwakhiwa njengengcinye yehlelo le-Welisizwe Rural Bridges.

Yihle indima esele yenziwe ngokulungisa umthangalasisekelo oqathekileko osekela iKhumulo lemiKhumbi le-Durban. Njengoba lelikhulumulo liqatheke kangaka nje elizweni ngenesika yomnotho welizwe lekhethu newekhonthinenti ye-Afrika yoke, izinto ezithuthela nezithutha ipahla kilelikhumulo sezibuyiselwe ehlelweni lazo lokusebenza elijayelekileko, umsebenzi wokukhweza nokwehlisa sewubuyele ngokupheleleko endimeni yokusebenza, kanti sewuthomile nomsebenzi wokuvuselela umthangalasisekelo wesiporo owonakeleko.

Kusahlanganiswa amanye amahlelo

wokusiza amabhizinisi amancani namakhulu kilawo acaphazeleke kumbi. Lokhu-ke kuyinto erhabekileko, kobanyana amabhizinisi azokuhlala asebenza, nabantu bangazokonakalelwa misebenzi.

Ngeenkhathi ezihluleko emlandweni welizwe lekhethu wehlelo lentando yenengi, sikhe sahlanga-bezama nezehlakalo nobujamo obulunge amandla wabantu bekhetu wokuraulula imiraro kunye namandla wekghono lesisekelo sethu.

Sibone ukuzwelana okunamandla ngendlela engakajayeleki nesekelo ebantwini abacaphazelekileko KwaZulu-Natala, ePumalanga Kapa kunye neTlhagwini Tjingalanga. Abomasipala kunye naborhulumente beemfunda bebasebenzisana ngokubambisana ninyango karhulumente omkhulu neenjamiso ezithunye ukusiza kobanyana kusizwe abantu kobana bavuselele ipilwabo babe babuyise nemisebenzi yomnotho yeendawo ngeendawo.

Bebasebenzisane nabo boke ababelani kizo zoke iindawezi ukuqinisekisa ukuthi yoke imisebenzi yokuvuselela nokwakha ngobutjha ihlangana kuhle besikghone nokuhlela besakhe ngobutjha ngendlela ezakwenza ukuthi ngomuso izehlakalo ezinje sibe namandla angcono wokujamelana nazo.

Ukubambelela kwabantu eendaweni ngeendawo ezithintekileko, uku-zibophelela kwabo, ukuphumelela kunye nekghono labo lokuhlango babeyinyanda ngeenkhathi zobudisi kube sikhuthazo esikhulu. Sibathokoza asiwuvali umlomo boke labo ababeyingcinye yomzamo wokusiza abantu beemfunda ezithintekileko.

Njengorhulumente, sikhwezelela yoke imithombo yamandla ekhona besizibophelela ngakho koke ukuqinisekisa ukuthi kungabi namuntu ozakusala ngemva njengoba sivuselela, sisakha ngobutjha nje.